



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 15 » 01 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԷԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

РФ 0007-21

Ձեռնարկողը՝

«ԱՐՏ-ԷՄ» ՍՊԸ

Ք.Երևան, Կիևյան փողոց 11, բն.22

**Գործունեությունը՝ Սառնաղբյուրի պեմզային ավազների հանքավայրի
բացահանքի արդյունահանման աշխատանքների շրջակա
միջավայրի վրա ազդեցության գնահատման
հաշվերվություն**
Արագածունի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պաշտոնակատար՝



Գ. Գևորգյան

Առդիր եզրակացությունը՝ 6 թերթ

02543163
ՓՈՐՁԱՐԱՆԱԿԱՆ
ԵՆՈՒԿԱՑՈՒԹՅՈՒՆ
ՀԱՅԿԱՍՏԱՆԻ
ԷԽՍՊԵՐՏԻԶԻ
ՑԵՆՏՐ
COMMISSION
OF EXPERTS



1. Բացահանքի հյուսիս-արևելյան մասով անցնող ավտոճանապարհից դեպի 2121մ նիշ ունեցող հորիզոնի ներքին թեք կիսախրամի (մուտքային ավտոճանապարհի) անցում՝ $L=1035$ մ, $b=6$ մ, $V=1552.0$ մ³,
2. 2121մ նիշ ունեցող հորիզոնից մակաբացման ապարների հեռացում – 860.0մ³,
3. 2121մ նիշ ունեցող հորիզոնից պեմզային ավազի արդյունահանում – 2925.0մ³,
4. 2116մ նիշ ունեցող հորիզոնից մակաբացման ապարների հեռացում – 524մ³,
5. 2116մ նիշ ունեցող հորիզոնում առաջնային ճակատի ստեղծում – 800մ³,
6. արտադրական հրապարակի կառուցում – 50մ³,
7. արտադրական հրապարակի մակերես՝ 1200մ²,
8. լցակույտի հարթակում բեռնաթափման հրապարակի կառուցում – 30մ³,
9. լեռնակապիտալ աշխատանքների տևողություն՝ 0.1 տարի:

Նշված աշխատանքներն իրականացվում են էքսկավատոր-ավտոինքնաթափ-բուլդոզեր լեռնատրանսպորտային համալիրով:

Հանքավայրի մշակումը նախատեսվում է իրականացնել ընդլայնական միակողմանի խորացման համակարգով՝ մակաբացման ապարները ներքին լցակույտեր տեղափոխելով:

Ընդունված համակարգի պարամետրերն են՝

- աստիճանի բարձրությունը՝ 5մ,
- աստիճանի թեքման անկյունը (աշխատանքային)՝ 70-75°,
- աստիճանի թեքման անկյունը (մարված)՝ 60-65°,
- աշխատանքային հրապարակի նվազագույն լայնությունը՝ 20մ,
- անվտանգության բերմայի լայնությունը՝ 1.5մ:

Հանքատար և լցակույտատար ավտոճանապարհները նախագծվելու են ելնելով լեռնային զանգվածի տեղափոխման համար նախատեսվող ավտոինքնաթափերի չափսերից ու անվտանգ երթևեկության պայմանից՝ հետևյալ տեխնիկական պարամետրերով.

- շարժման շերտերի թիվը՝ 1,
- լայնությունը՝ 6մ,
- ընդլայնական առավելագույն թեքությունը՝ 30%,
- ընդերկայնական առավելագույն թեքությունը՝ 100%,
- շրջադարձի նվազագույն շառավիղը՝ 15մ:

Լցակույտային ապարները կազմված են մակաբացման ապարներից և հողախառը պեմզային ավազներից:

Լցակույտային ապարների ընդհանուր ծավալը բացահանքի եզրագծում կազմում է 31259.0մ³, իսկ մակաբացման ապարների ընդհանուր ծավալը լցակույտում՝ 35010.0մ³:

Մակաբացման ապարները պահեստավորվում են արտաքին լցակույտում:

Փուխր ավազակավային, ավազախճային ու հողախառը պեմզային ավազները պահեստավորում են միասին, իսկ հողաբուսական շերտը՝ ապարներից առանձին:

Լցակույտային ապարների մեջ հողաբուսական շերտի ապարների ծավալը բացահանքի եզրագծում կազմում է 6795.0մ³: Նշված ծավալով հողաբուսական շերտի ապարները լցակույտում պահեստավորվում են առանձին:

Արտաքին լցակույտի ապարները տեղադրվում են բացահանքի եզրագծից դուրս, դրա հյուսիսային հատվածում՝ նախկինում արդյունահանված տարածքներում:

Հողաբուսական շերտի ապարներն արտաքին լցակույտի տարածքում պահեստավորվում են առանձին:



Լցակույտառաջացումը կատարվում է բուլդոզերային եղանակով:

Օգտակար հանածոյի հանույթը կատարվում է էքսկավատորային 8մ լայնությամբ ընթացքաշերտերով: Միաժամանակ շահագործվում է 1 հանքաստիճան:

Ապարի բարձրման համար օգտագործվելու է ՅՕ-3322 մակնիշի, $E=1.6\text{մ}^3$ շերեփի տարողությամբ, ուղիղ բահով սարքավորված էքսկավատոր: Պեմզային ավազների տեղափոխումը բացահանքից կատարվելու են սպառողների ավտոինքնաթափերով: Նախագծով ընդունված բուլդոզերը կօգտագործվի հիմնականում մակաբացման ապարների հեռացման, աշխատանքային հրապարակների ու ճանապարհների մաքրման, լցակույտերի կարգավորման և այլ աշխատանքների համար:

Ռեկուլտիվացիոն աշխատանքների ընթացքում բուլդոզերով հարթեցվում է փուխր ավազակավային, ավազախճային ու հողախառը պեմզային ավազների լցակույտի մակերեսը, շեպերը բերվում են համապատասխան թեքության և դրանց վրա վերևից տեղադրվում է հողաբուսական շերտի լցակույտի ապարները: Նշված աշխատանքների շրջանակներում հարթեցվում է նաև արտադրական հրապարակի, սպասարկող ճանապարհների տարածքը: Ռեկուլտիվացիոն աշխատանքների ընդհանուր տարածքը կազմելու է 1.0հա:

Աշխատանքները կատարվելու են էքսկավատոր-ավտոինքնաթափ-բուլդոզեր լեռնատրանսպորտային համալիրով:

Հանքավայրի համար տեխնիկական ջրամատակարարումն իրականացվելու է ջրցան լվացող ավտոմեքենայով, իսկ խմելու ջուրը բերվելու է կցովի ջրի ցիստեռնով:

Բացահանքի ջրամատակարարումը տեխնիկական ջրով նախատեսված է փոշենստեցման, աշխատանքային հրապարակների, ճանապարհների և լցակույտերի ջրցանի նպատակով:

Հանքավայրի շահագործման ընթացքում մթնոլորտ արտանետվող վնասակար գազերի և փոշու աղբյուր են հանդիսանում բացահանքը, տեխնիկական և տրանսպորտային միջոցներն ու լցակույտերը:

Օդային ավազան արտանետվող վնասակար նյութերն են՝ անօրգանական փոշին, ազոտի երկօքիդը, ածխածնի օքսիդը (CO), ածխաջրածինները, ծծմբային գազը, մուրը: ՇՄԱԳ-ում հաշվարկվել են արտանետումների գումարային քանակները, որոնց մերձգետնյա կոնցենտրացիաների արժեքները գտնվում են թույլարտելի նորմերի սահմաններում: Հանքավայրի շահագործման արդյունքում հաշվարկված տնտեսական վնասը կկազմի՝ 1573.36հազ. դրամ:

Հանքավայրի տարածքում աղմուկի առաջացման աղբյուրներն են՝ ավտոտրանսպորտը և սարքավորումները:

Բացահանքի շահագործման ժամանակ բնապահպանական միջոցառումները ներառում են.

- Փոշին նվազեցնելու նպատակով տարվա չոր և շոգ եղանակին կատարել ջրցանում:

- Օգտակար հանածոյի տեղափոխման ժամանակ բեռնատարների թափքը ծածկել, իսկ անիվները լվանալ դրա համար նախատեսված վայրում՝ բացառելով ջրերի արտահոսքը:

- Անսարք մեքենաների շահագործումը բացահանքում պետք է արգելվի:

- Մեքենաների շարժիչների վրա պետք է տեղադրված լինեն չեզոքացուցիչներ, որոնք թույլ կտա կրճատել գազերի արտանետումը:



• Թափոնները պարբերաբար դուրս բերել բացահանքի տարածքից և տեղադրել հատուկ նախատեսված հարթակներում:

• Արգելվում է արտհրապարակից դուրս տարածքների խախտելը՝ թափոններ և այլն տեղադրմամբ:

Հողաբուսական շերտը 6795.0մ³ ծավալով պահեստավորվում է առանձին:

ՇՄԱԳ-ում նախատեսվել են նաև միջոցառումներ, ուղղված աշխատանքային միջավայրում աշխատողների անվտանգությանը, արտակարգ իրավիճակների արձագանքմանը, հրդեհային անվտանգությանը, հնարավոր սոցիալական ազդեցությունների մեղմմանն ու կանխարգելմանը: Բոլոր միջոցառումներն իրենց գործողություններով ամփոփվել են բնապահպանական կառավարման և մոնիթորինգի պլաններում:

Հանքավայրի շահագործման ընթացքում կիրականացվի շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումներ (մակերևութային ջրեր, մթնոլորտային օդ, հողային ծածկույթ, աղմուկ, կենսաբազմազանություն), որոնց իրականացման նպատակով նախատեսվում է տարեկան մասնահանել 300.0 հազ.դրամ:

Հանքավայրի շահագործումը կթուլացնի սոցիալական լարվածությունը, քանի որ աշխատողների հիմնական մասն ընդգրկվելու են մոտակա համայնքներից: Անուշադրության չի մատնվելու նաև ազդակիր համայնքը, որի հոգսերի մի մասը իր վրա կվերցնի ընկերությունը:

Եզրափակիչ մաս: Նախատեսվող գործունեության ՇՄԱԳ հաշվետվության փորձաքննությունն իրականացվել է Օրենքի պահանջներով: Գնահատման և փորձաքննության փուլերում գործունեության իրականացման վերաբերյալ Արագածոտնի մարզի Հովասար համայնքում անցկացվել են չորս հանրային քննարկումներ, որոնց ընթացքում գործունեության իրականացումը մասնակիցների կողմից արժանացել է հավանության:

Փորձաքննական գործընթացին մասնակցել են պետական և տեղական ինքնակառավարման մարմինները, Արագածոտնի մարզպետարանը, շրջակա միջավայրի նախարարության ստորաբաժանումները, առողջապահության, պաշտպանության և արտակարգ իրավիճակների նախարարությունները, որոնց կողմից ներկայացված կարծիքները ևս հաշվի են առնվել փորձաքննության գործընթացում:

Փորձաքննական պահանջներ

1. Հանքարդյունահանման աշխատանքների իրականացման ընթացքում անհրաժեշտ է առաջնորդվել 22 փետրվարի 2018թ. N191-Ն որոշման պահանջներով և շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը սահմանված ժամկետներում և ձևաչափով ներկայացնել լիազոր մարմին:
2. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը՝ ըստ ժամանակացույցի:
3. Նախատեսվող գործունեության իրականացման ընթացքում ՀՀ օրենսդրությամբ սահմանված կարգով պահպանել արտանետվող փոշու, առաջացող աղմուկի,



4. Անհրաժեշտ է պահպանել ՀՀ կառավարության 2002 թվականի ապրիլի 20-ի N438 որոշման 43-րդ կետը. «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմնին»՝ համապատասխան պահպանական միջոցառումներ իրականացնելու համար:

«ԱՐՏ-ԷՄ» ՍՊ ընկերության կողմից ներկայացված Արագածոտնի մարզի Սառնաղբյուրի պեմզային ավազների հանքավայրի բացահանքի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մ. Ավետիսյան